



I-XII/2021


Тархаасан: 2022 оны 01 дүгээр сарын 14



Иргэн, хуулийн этгээдээс ирүүлсэн 407 бүтээлд патент олгожээ


Оюуны өмчийн газрын мэдээллээр улсын хэмжээнд 2021 онд шинэ бүтээл болон бүтээгдэхүүний загварын патент авахаар 553 иргэн, хуулийн этгээд мэдүүлэг гаргасан нь өмнөх оноос 112 (25.4%)-оор өсжээ.

ЗУРАГ 1. ПАТЕНТ, жил бүрийн эцэст



Иргэн, хуулийн этгээдээс 2021 онд ирүүлсэн 407 бүтээлд патент олгосны 186 нь шинэ бүтээлийнх, 221 нь бүтээгдэхүүний загварынх байгаа нь өмнөх оноос шинэ бүтээлийн патент 62 (50.0%)-оор өсөж, харин бүтээгдэхүүний загварын патент 4 (1.8%)-өөр буурчээ.

ЗУРАГ 2. АШИГТАЙ ЗАГВАР, жил бүрийн эцэст



Оюуны өмчийн байгууллагад ашигтай загварын гэрчилгээ авахаар 2021 онд 173 иргэн, хуулийн этгээд мэдүүлэг гаргасан нь өмнөх оноос 49 (22.1%)-өөр буурчээ. Мөн иргэн, хуулийн этгээдийн ирүүлсэн 107 ашигтай загварт гэрчилгээ олгосон нь өмнөх оноос 90 (45.7%)-ээр буурсан байна.

ЗУРАГ 3. ШИНЭ БҮТЭЭЛД ОЛГОСОН ПАТЕНТ, олон улсын ангиллаар, 2021 он



Шинэ бүтээлд олгосон патент (давхардсан тоогоор)-ыг олон улсын ангиллаар авч үзэхэд 68 нь хүний хэрэгцээг хангах зүйл, 62 нь хими, төмөрлөг, 35 нь технологийн төрөл бүрийн арга, 25 нь механик инженер, гэрэлтүүлэг, халаалт, зэвсэг, тэсрэх бодис, 22 нь барилга, уул уурхай, 18 нь физик, 8 цахилгаан, 4 нь нэхмэлийн ангилалд хамаарч байна.

ХҮСНЭГТ 1. БАРААНЫ ТЭМДЭГ, жил бүрийн эцэст

| Үзүүлэлт | 2020 | | 2021 | |
|--|------------|--------------|------------|--------------|
| | XII | I - XII | XII | I - XII |
| Барааны тэмдгийн нийт мэдүүлэг | 344 | 4 190 | 463 | 4 642 |
| Дотоодын мэдүүлэг | 72 | 1 663 | 202 | 2 222 |
| Гадаадын мэдүүлэг | 100 | 529 | 46 | 502 |
| Олон улсын мэдүүлэг ¹ | 172 | 1 998 | 215 | 1 918 |
| Эрхийн хамгаалалт олгосон нийт барааны тэмдэг | 375 | 4 028 | 152 | 3 308 |
| Бүртгэхээс татгалзсан | 135 | 1 809 | 133 | 1 796 |
| Барааны тэмдгийн бүртгэлд оруулсан нэмэлт, өөрчлөлт | 55 | 815 | 112 | 1 022 |

¹ Барааны тэмдгийн эрхийн хамгаалалт авахаар Мадридын хэлэлцээр болон Протоколын дагуу мэдүүлсэн Монгол Улсыг нэр зааж гаргасан олон улсын мэдүүлэг юм.

Монгол Улсын хэмжээнд 2021 онд иргэн, хуулийн этгээд барааны тэмдгийн эрхийн хамгаалалт авахаар 4642 мэдүүлэг гаргасан байна.

Нийт мэдүүлсэн барааны тэмдгийн 1918 (41.3%) нь Мадридын хэлэлцээрийн дагуу Монгол Улсыг нэр зааж гаргасан олон улсын мэдүүлэг байна. Мөн иргэн, хуулийн этгээдийн ирүүлсэн 3308 барааны тэмдэгт эрхийн хамгаалалт олгосон нь өмнөх оноос 720 (17.9%)-оор буурч, 1796 барааны тэмдгийг бүртгэхээс татгалзсан байна.

Бүтээлээ зохиогчийн эрхээр хамгаалуулахаар 2021 онд иргэн, хуулийн этгээдээс нийт 1114 мэдүүлэг гаргаснаас бүх бүтээлд шинээр зохиогчийн эрхийн гэрчилгээ олгосон нь өмнөх оноос 54 (5.1%)-өөр өсжээ.

ХҮСНЭГТ 3. ЗОХИОГЧИЙН ЭРХИЙН МЭДҮҮЛЭГ, бүтээлийн төрлөөр, дүнд эзлэх хувиар, 2021 он

| Зохиогчийн эрхийн бүтээлийн төрөл | Зохиогчийн эрхийн мэдүүлгийн тоо | Дүнд эзлэх хувь |
|--|----------------------------------|-----------------|
| Шинжлэх ухаан, утга зохиолын бичмэл буюу аман төрөлд хамаарах бүтээл, түүнчлэн компьютерын программ | 511 | 45.9 |
| Материалыг нь сонгон түүвэрлэх, байршуулах зэргээр бүтээлч хөдөлмөрийн үр дүнд бий болсон, өөрийн бүтэц агуулгаараа оюуны бүтээлд тооцогдох тайлбар толь, лавлах, зохиолын цоморлог, өгөгдөхүүн-мэдээллийн сангийн бусад эмхэтгэлүүдийн төрөлд хамаарах бүтээл | 299 | 26.8 |
| Хөгжмийн урлагийн үгтэй болон үггүй бүтээл | 70 | 6.3 |
| Дүрслэх урлагийн төрөлд хамаарах бүтээл | 85 | 7.6 |
| Дуу авиа бүхий дүрст бүтээл /телевизийн нэвтрүүлэг, кино урлагийн бүтээл/ | 74 | 6.6 |
| Архитектурын бүтээл, уран баримал, уран барилгын төрөлд хамаарах бүтээл | 38 | 3.4 |
| Үүсмэл бүтээлийн төрөлд хамаарах бүтээл | 17 | 1.5 |
| Ардын урлагийн бүтээлд тулгуурлан туурвисан үүсмэл бүтээлийн төрөлд хамаарах бүтээл | 7 | 0.6 |
| Чимэглэх болон хавсарга урлаг, тайз чимэглэлийн төрөлд хамаарах бүтээл | 2 | 0.2 |
| Гэрэл зургийн болон түүнтэй төсөөтэй аргаар туурвисан бүтээл | 4 | 0.4 |
| Бүжгийн урлагийн бүтээл | 6 | 0.5 |
| Жүжиг, хөгжимт жүжиг, тайзны урлагийн төрөлд хамаарах бүтээл | 1 | 0.1 |
| Нийт дүн | 1 114 | 100.0 |

Ойлголт, тодорхойлолт

Оюуны өмч: Оюуны бүтээлч үйл ажиллагааны үр дүнд бий болсон зохиогчийн эрхийн бүтээл, зохиогчийн эрхэд хамаарах эрхийн объект болон аж үйлдвэрийн өмчийг ойлгоно. Оюуны өмчийг хоёр хэсэгт ангилна. Үүнд:



Аж үйлдвэрийн өмч: Шинэ бүтээл, бүтээгдэхүүний загвар, ашигтай загвар, барааны тэмдэг, газар зүйн заалт хамаарна;

Зохиогчийн эрх: Зохиогчийн эрхийн бүтээлд ном, хөгжим, уран зураг, уран баримал, кино, компьютерын программ, мэдээллийн сан, зар сурталчилгаа, газрын зураг, техникийн зураг зэрэг бүтээл багтдаг.

Патент: Тодорхой зүйлийг хийх шинэ арга замыг гаргасан эсвэл аливаа техникийн шинэ шийдлийг санал болгож буй бүтээгдэхүүн болон арга ажиллагаанд (шинэ бүтээл, бүтээгдэхүүний загвар) өгч буй онцгой эрх юм.

Шинэ бүтээл: Байгалийн хуульд тулгуурлан сэдэж, үндэслэлийг нь тодорхойлсон, үйлдвэрлэх арга ажиллагаанд хамаарах техникийн шийдлийг ойлгоно.

Бүтээгдэхүүний загвар: Бүтээгдэхүүний гадаад хэлбэр, хийцэд хамаарах гоёл чимэглэл, өнгө, өнгөний хослол агуулсан, шинээр зохион бүтээсэн, өвөрмөц шийдлийг ойлгоно.

Ашигтай загвар: Үйлдвэрлэлийн багаж, хэрэгсэл, аргад хамаарах үйлдвэрлэлд ашиглах боломжтой техникийн шинэ шийдлийг ойлгоно.

Барааны тэмдэг: Иргэн, хуулийн этгээд өөрийн бараа, үйлчилгээг бусад этгээдийн бараа, үйлчилгээнээс ялгах зорилгоор хэрэглэх ялгагдах чадвартай илэрхийллийг ойлгоно.

Газар зүйн заалт: Тухайн газар нутгийн байгаль, цаг уурын нөхцөл, эсхүл тухайн газар нутгийн хүмүүсийн дадал заншил зэрэг хүчин зүйлээр тодорхойлогдсон чанар, нэр хүнд, бусад онцлог шинж чанар бүхий бараа, бүтээгдэхүүнийг үйлдвэрлэсэн улс, бүс, газар нутгийн газар зүйн тодорхойлолтыг ойлгоно.

Эх үүсвэр:

Оюуны Өмчийн Газар

Ангилал, код:

Патентын олон улсын ангилал (PCT),
Ниццийн ангилал (NCL),
Локарногийн ангилал (LOC)

Мэдээлэл авах холбоос:

<http://www.nso.mn/>

<http://www.1212.mn/>

Дараагийн мэдээ тархаах хуваарь:

2022 оны 7 дугаар сарын 18

Нийгмийн статистикийн
газрын дарга А.Амарбал
Утас: (976-51)-264805

Нийгмийн статистикийн
газрын статистикч М.Доржпагма
Утас: (976-51)-263966

